



# Ársskýrsla

2004  
og vorönn 2005

Aðalfundur Visku 30.maí 2005

Bergþóra Þórhallsdóttir  
Forstöðumaður

## **Efnisyfirlit**

● Inngangur	
● Námskeiðahald.....	2
○ Samstarfsaðilar námkeiðahalds .....	3
● Fjarnám .....	5
○ Samstarfsaðilar um fjarnám á háskólastigi.....	7
○ Stofnun farnemendafélags Vestmannaeyja.....	8
● Kynningarstarfsemi.....	8
● Sérverkefni.....	9
● Fyrirlestrar og fræðslufundir.....	9
● Markviss ráðgjöf.....	10
● Stofnun heildarsamtaka um fullorðinsfræðslu á Íslandi.....	10
● Viska fyrir alla – “ekki bara hugsa um það!” .....	11
● Fylgiskjöl .....	12

Í þessari skýrslu Visku fyrir árið 2004 verður gerð grein fyrir þeirri fræðslustarfsemi sem Viska Fræðslu- og símenntunarmiðstöð kom að seinni hluta ársins 2004 og fram til vors árið 2005.

Viska hefur aðsetur í Rannsókna- og fræðasetrinu Strandvegi 50 3ju hæð. Á starfsárinu fékk miðstöðin viðbótarhúsnæði sem svarar einni fjölnota kennslustofu og eldhúsaðstöðu fyrir nemendur. Alls hefur Viska þá til umráða í Setrinu skrifstofu, tvær kennslustofur, nemendaeldhús og aðgang að fundarherbergi til smærri funda og hópvinnu.

Viska leigir aðstöðuna og kaupir með henni þjónustu við símavörslu, þrif, póst og ljósritun. Ritari Rannsóknasetursins er Margrét Hjálmarsdóttir.

Viska leigir einnig kennslustofu á jarðhæð Framhaldsskólans í Vestmannaeyjum, en fær auk þess aðstöðu til viðbótar eftir því sem þarf hverju sinni, en þá aðallega við námskeiðahald og próftöku.


Starfsemin hefur aukist og um leið þróast og leitað jafnvægis. Kynning á hlutverki og starfsemi Visku í Vestmannaeyjum er langt komin og má gefa sér að allflestir Eyjamenn viti fyrir hvað Viska stendur og hvert beri að leita ef áhugi á fullorðinsfræðslu kvíknar.

## Námskeiðahald


### Námskeið á haustönn 2004 og vorönn 2005

Námskeiðahald að hausti hófst með útgáfu Námsvísis og kynningu tengt útgáfunni. Námsvísir Visku er gefinn út í upphafi vor og haustannar. Fjölbreytni og nýjungar eru hafðar að leiðarljósi við gerð námsvísanna. Samstarfsaðilum um námskeiðahald fjölgar enn og eru það ýmist einstaklingar eða aðrar fræðslustofnanir sem hlut eiga að málí.

Námskeiðahald á vorönn 2005 fór af stað með starfsdegi Vinnslustöðvar Vestmannaeyja en Viska veitti ráðgjöf og þjónustu varðandi undirbúning og skipulag starfsdagsins. Samstarf við stjórnendur fyrirtækja og samstarf við atvinnulifið um fræðslu hefur aukist og má vænta þess á næstu misserum að sá þáttur eflist enn frekar. Þannig starfsemi styrkir bæði Visku sem fræðslustofnun og samstarfsfyrirtækin. Markviss ráðgjöf er kærkomin viðbót við starfsemina í þessu samhengi.



**Mynd 1** Heildarfjöldi einstaklinga sem sóttu námskeið Visku haustið 2004 til og með vorönn 2005. Hér sést skipting þátttakenda einnig eftir kyni.



**Mynd 2** Heildarfjöldi einstaklinga sem sótt hafa námskeið Visku

Munur á þátttakendum eftir kyni helst nokkuð stöðug, en konur hafa þar ennþá vinninginn. Það er svipað og gerist annars staðar á landinu, en við erum þó yfir meðaltali hvað þetta snertir.

Fjölbreytni í námskeiðahaldi skiptir hvað mestu í þessu sambandi, en við skipulag námskeiða er haft í huga að sinna báðum kynjunum eins og kostur er.

Fjarkennd námskeið hafa verið að færast í vöxt, en Endurmenntun Háskóla Íslands, Símenntun Háskólans á Akureyri og Framvegis Miðstöð Símenntunar í Reykjavík eiga gott samstarf um námskeiðahald á landsbyggðinni. Impra setti á fót sem dæmi námskeið fyrir konur um stofnun og rekstur smáfyrirtækja, Brautargengi, en hér útskrifuðust 10 konur úr því námi. Varðandi fjarkennd námskeið þá kaupa fræðslustofnanirnar afnot af aðstöðu og búnaði Visku samkvæmt gjaldskrá eða hins vegar að Viska kaupir námskeið af þeim fyrir ákveðið verð og reynir síðan að fylla á það sem svarar að minnsta kosti kostnaði. Þetta geta stofnanir og fyrirtæki í Vestmannaeyjum líka nýtt sér og fengið Visku til liðs við sig um að útvega eða setja upp ákveðin námskeið sem hæfa hverjum og einum.

Á haustönn tókst að koma á fót samstarfi um fjarkennslu frá Vestmannaeyjum til Norðurlands Vestra. Var það 30 tonna skipstjórnarréttindanám sem þar var á ferðinni. Kennslan fór fram í kennslustofu Visku í Framhaldsskólanum, en þar sátu 4 nemendur héðan úr Eyjum við nám og aðrir nemendur voru á Siglufirði, Blönduósi, Sauðárkróki og Hvammstanga. Námskeiðið tókst mjög vel og útskrifuðust alls 14 nemendur frá þessum fimm stöðum með 30 tonna skipstjórnarréttindi frá Visku.

Gagnagrunnurinn Kópur er notaður við utanuhald námskeiða og skráningu fjarnema. Gagnagrunnurinn greinir einnig þátttöku eftir kyni og aldri, gerir reikninga og viðurkenningarskjöl svo eitthvað sé nefnt. Gagnagrunnurinn hefur sparað heilmikla vinnu og getur gert það enn frekar á næstu misserum ef í hann er skráð samviskusamlega.

### **Samstarfsaðilar námkeiðahalds**

Af samstarfsaðilum þetta tímabil um námskeiðahald mætti helst nefna Stéttarfélagið Drífanda og Landsmennt, Tölvuskóla Vestmannaeyja, Framvegis – miðstöð símenntunar í Reykjavík, Háskólan á Akureyri, Endurmenntun Háskóla Íslands, Svæðisvinnumiðlun Suðurlands og Fræðslusetrið Unicom. Auk þessara stofnana/fyrirtækja hefur Viska átt gott samstarf við einstaklinga sem tekið hafa að sér verktakavinnu við leiðbeiningu á námskeiðum.

Samningur við Tölvuskóla Vestmannaeyja var endurnýjaður en Tölvuskólinn samnýtir nú aðbúnað og kennslustofu fyrir starfsemina í húsnæði Visku í Setrinu.

Sérstakur samningur var gerður um verkefnið “Drífandi – Viska” sem er samstarfsverkefni um námskeiðahald fyrir félagsmenn Drífanda sem styrkt er sérstaklega af Landsmennt.

## Fjarnám

### Fjarnám á framhaldsskólastigi


Fræðslu- og símenntunarmiðstöðin Viska og Framhaldsskólinn í Vestmannaeyjum gerðu samning við Menntafélagið ehf. sem nú ber nafnið Fjöltækniskóli Íslands. Samstarfið spannst út frá áhuga vélstjóra á að taka 3.stig vélstjórnar með vinnu á sjó. Samstarfið felst í því að Framhaldsskólinn í Vestmannaeyjum sinnir hluta kennslunnar og Fjöltækniskólinn annan hluta hennar. Viska hafði forgöngu um að koma náminu á, en sinnir að öðru leiti hlutverki tengiliðs og sinnir próftöku að hluta.

### Fjarnám á háskólastigi

Fjarnám á háskólastigi hefur aukist verulega. Stór hópur hóf nám við kennaradeild Háskólags á Akureyri í leikskóla- og grunnskólafræðum. Alls voru það 21 nemandi sem hóf námið og allir nema einn eru enn við námið sem þykir mjög gott. Með tilkomu nýju menntabrévarinnar er allt utanumhald vegna fjarnámsins og fjarkennslunnar orðið þannig að nú má stjórna því og skipuleggja hvar sem er í heiminum gegnum Netið. Einnig hafa tæknivandamál ekki komið eins oft upp og áður og má því segja að bylting hafi orðið í rekstri fjarnámsins eftir að Háskóli Íslands, Háskólinn á Akureyri og Kvasir – samtök símenntunarmiðstöðva á landsbyggðinni festu sameiginlega kaup á Menntabréunni.

Keyptur var nýr búnaður af Polycom gerð af Nýherja af smærri gerð. Búnaðirnir tveir sem fyrir voru orðnir það umsetnir að ástæða þótti til að bæta við tæknibúnaðinn. Nú er Viska með fjarfundabúnað í öllum þremur skólastofunum sem hún hefur til umráða, two stærri og einn fyrir minni fundi.

**Mynd 2** Fjöldi fjarnema skólaárið 2004-2005 Alls eru þetta 70 fjarnemar sem dreifast á 6 háskóla.



Ég verð enn vör við mikinn áhuga fyrir kennaranámi, en einnig hjúkrunarfræðinámi. Nám við kennaradeild Háskólans á Akureyri gerir nú kröfur um smærri hóp eða lágmark 5-6 nemendur. Varðandi hjúkrunarfræðinám að þá er fjarkennt í stærri hópum og til færri staða í einu. Viska stefnir á að mynda hóp fyrir haustið 2007 í hjúkrunarfræði. Einstaka aðilar hafa sýnt viðskiptafræði og sjávarútvegsfræði áhuga.

Kynning á fjarnámsframboði ásamt leiðsögn og ráðgjöf við umsóknir í skóla hefur tilfinnanlega aukist. Á ég von á að fjarnefnum fjölgj ennþá að einhverju leiti eða að minnsta kosti að þeir standi í stað milli skólaára. Þess má geta að fyrsti útskriftarhópurinn sem stundað hefur nám í gegnum fjarfundabúnað útskrifast nú í vor. Það eru fimm viðskiptafræðingar sem þá útskrifast frá Háskólanum á Akureyri.

Endurnýjun samstarfssamninga vegna fjarnáms hefur verið í umræðunni og í því sambandi boðaði Háskólinn á Akureyri til fundar við starfsmenn Háskólans á dögunum. Kynnt var starfsemi Háskólans, samstarfið rætt og lögð fram drög að samstarfssamningi. Toldu félagar Kvasis ekki tímabært að ganga til samninga þar sem nefnd sem sjalla á um þetta málefni hefur ekki skilað af sér. Fundurinn var mjög góður og löngu tímabær að mati forstöðumanns og mættu fleiri háskólar taka sér þetta til fyrirmynadar.

Fjarfundir utan hefðbundins fjarnáms eru þó nokkrir og nýta nokkrar stofnanir sér það óspart. Fjarfundir spara fyrirtækjum og stofnunum bæði tíma og peninga. Stofnanir sem aðallega hafa verið að nýta sér þetta eru: Rannsóknastofnun Fiskiðnaðarins, Heilbrigðisstofnunin, Sjúkraliðafélag Íslands, Vélstjórafélag Íslands, Samband sunnlenskra sveitarfélaga og Skólaskrifstofa Vestmannaeyjabæjar. Einnig hafa samtök símenntunarmiðstöðva á landsbyggðinni Kvasir nýtt sér sérstaka aðstöðu sína við fundahöld. Um leið og stofnanirnar spara tíma og peninga auka þær um leið fjölbreytni í endurmenntun og samskiptum af margvíslegu tagi. Segja má því að með nýrri og öflugri ljósleiðaratengingu og bættum búnaði til fjarnáms höfum við stuðlað að einni mikilvægustu samgöngubót fyrir Eyjarnar.

Reglur um notkun FS-netsins sem Viska eru aðilar að hafa litið dagsins ljós og gjaldskrá menntabréuarinnar hefur verið samþykkt. Hana má finna á vefsíðu Visku [www.viska eyjar.is](http://www.viska eyjar.is)

## **Samstarfsaðilar um fjarnám.**

Helstu samstarfsaðilar um fjarnám á háskólastigi eru Háskólinn á Akureyri sem er með langstærstan hluta farnema á sinni könnu, þá er það Háskóli Íslands, Kennaraháskóli Íslands, Tækniháskólinn og Háskólinn í Reykjavík. Samstarfssamninga þarf að endurskoða reglulega þar sem bæði námið og hlutverk símenntunarmiðstöðvanna gagnvart kostnaðarhliðum fjarnámsins þarf að vera skýr.

Á vegum Menntamálaráðuneytisins er nefnd að störfum sem vinnur að þessum málum og á Kvasir þar tvo fulltrúa inni. Nefndin mun væntanlega skila niðurstöðum innan tíðar, en hún er að leggja lokahönd á skýrsluna.

Aðstöðugjald farnema hefur verið rætt bæði í stjórn Visku og hjá Kvasi. Á vorfundi Kvasis í Grundarfirði nú nýverið var viðmiðunargjaldskrá samþykkt. Fjarnemum sem hófu nám í Vestmannaeyjum haustið 2004 var þá gerð grein fyrir væntanlegri gjaldtöku sem taka ætti gildi frá og með áramótum 2004 – 2005. Nú hefur hún verið sett á og fjarnemendum sendur reikningur á næstunni. “Eldri” fjarnemum eða þeim sem hófu fjarnám fyrir þann tíma greiða aðeins gjald vegna eldhúsaðstöðu nemenda. Ljósritun og prentkostnaður er ekki inni í verðinu, en nemendur geta keypt þá þjónustu sérstaklega af Setrinu eða Framhaldsskólanum í Vestmannaeyjum samkvæmt þeirra gjaldskrám. Á það við alla farnema Visku.

Aðstaða fyrir fjarnemendur hefur aukist til muna eftir að opnað var nemendaeldhús og viðbótarkennslustofa í Rannsóknar- og fræðasetrinu. Nemendur sem nýta stofu Framhaldsskólans hafa bent á að nauðsynlegt sé að hafa lágmarksaðstöðu í kennslustofunni þar eins og vask og geymslu undir matvæli þar sem nemendur læra og matast á einum og sama staðnum. Þegar horft er til framtíðar í húsnæðismálum símenntunarmiðstöðvarinnar er rétt að hafa til hliðsjónar stefnu Menntamálaráðuneytisins “Áræði með ábyrgð” um upplýsingatækni í menntun, menningu og vísindum útgefin í febrúar 2005. Þar er bent á mögulegar leiðir varðandi samnýtingu á háhraðaneti og samstarfi þar um en í stefnunni segir orðrétt: “Símenntunarmiðstöðvar og bókasöfn á landsbyggðinni hafi með sér samstarf um rekstur og þjónustu háhraðanets í þágu almennings” (bls.20)

Með aukningu farnema hefur fjöldi prófa aukist samhliða eins og gefur að skilja. Nú á vorönn voru sem dæmi 160 próf skráð hjá Visku frá eftirtoldum skólum: Háskólanum á Akureyri, Tækniháskóla Íslands, Háskóla Íslands, Háskólanum í Reykjavík og Kennaraháskóla Íslands. Nemendur voru allt að 29 sem þreyttu próf samtímis á háskólastigi. Prófin eru ýmist kl.9 að morgni eða kl.14 eftir hádegi.

Mikil ábyrgð hvílir í höndum Visku við próftöku háskólaprófa. Yfirsetufólk er ráðið meðal annars af lista yfir atvinnuleitendur. Senda þarf próf samdægurs ef vel á að vera og alltaf með ábyrgðarpósti.

Móttaka prófa, fjölrutun og förgun eftir notkun. Allt tekur þetta tíma og má segja að mikill tími mai mánaðar og fram í júní, desembermánaðar og í janúarbyrjun ár hvert fari í að sinna próftöku. Aðstaða til fjölfoldunar og geymslu prófa þarf að vera mjög góð og trygg og helst einangruð frá öðru starfsfólki hússins. Þann þátt þarf að skoða sérstaklega með tilliti til skrifstofuaðstöðu Visku og annarrar starfsemi sem fram fer samhliða.

### **Stofnun fjarnemendafélags Vestmannaeyja**

Kynningarfundur fjarnema var haldinn á haustdögum. Þá voru allir fjarnemar boðaðir á fund þar sem farið var í gegnum þjónustu og aðbúnað Visku og reglur um hana kynntar. Drög að kynningarbæklingi var gerður upp úr þeim fundi sem afhentur verður fjarnemendum haustið 2005 í fyrsta skipti. Í bæklingnum koma fram helstu upplýsingar sem fjarnemendur þurfa að hafa á hreinu. Lyklamál, aðgengi, öryggismál, umgangur um fjarfundabúnaði, vaktsímar vegna tenginga ofl. er þar haft að leiðarljósi fyrir nemendur, enda má segja að um 70 manna skóla sé að ræða með 300 nemenda námskeiðahald þar að auki á ársgrundvelli. Skipulag og reglur eru því nauðsynlegar þar sem aðbúnaðurinn og þjónustan er samnýtt.

Á kynningarfundinum kom forstöðumaður með þá hugmynd að stofna fjarnemendafélag. Vel var tekið í þá hugmynd og var stofnfundur Fjarnemendafélags Vestmannaeyja haldinn þann 1.mars 2005. Skipuð var stjórn sem samsett er úr flestum háskólum landsins. Stjórnin hefur þegar skipt með sér verkum og mótað sér starfsfyrirkomulag.

### **Kynningarstarfsemi**

Undirbúningur og framkvæmd Víku símenntunar gekk ágætlega. Vika símenntunar er árlegt átkasverkefni á vegum Menntar. Þetta verkefni ráðuneytisins er endurskoðun og eiga aðilar Kvasis þar aðila í nefnd um framkvæmd hennar. Hér í Vestmannaeyjum var dagskrá haldið úti alla vikuna, en meginviðfangsefni vikunnar er að kynna fullorðinsfræðslu og möguleika henni tengdri í heimabyggð. Námsvisir Visku fyrir haustönn kom út fyrir þessa átaksviku og var dreift í öll hús bæjarins. Alls voru prentuð 1700 eintök.

Önnur kynningarstarfsemi fólst í kynngum hjá félagasamtökum og í fjölmöldum. Mikill kostnaður fer í að auglýsa námskeiðahald og erfitt að meta hvaða aðferð virkar best. Netpóstur er sendur út reglulega en utanumhald um netföng og vefsíðu er þó nokkuð. Vefsíða Visku er uppfærð reglulega og bæði fréttir og námskeiðahald safnast þar upp sem er mjög gott fyrir starfsemina og til heimildaöflunar um

liðið starf. Má segja að koma þurfi vefsíðunni á aðgengilegra form í framtíðinni sem hentar starfseminni enn betur.

## Sérverkefni

Sérverkefni voru ýmiskonar á haustönn. Má þar helst nefna Víku símenntunar sem áður er getið, þróunarverkefnið “Endurbýgging austurbæjar?”, samstarfsverkefnið “Uppgangur í Eyjum 2005” um göngukort fyrir Eyjarnar, skipulag og örnmámskeiðahald á Landsmóti saumaklúbba, en einnig og síðast en ekki síst aðkoma Vísku að námi í Íþróttá- og viðburðastjórnunarnámi fyrir þrjú skólastig fullorðinna, en Vískan er með í undirbúningi námskeiðahald sem nefnist Viðburðatækni og verður kynnt nánar í haust. Um er að ræða námskeiðsröð eða óformlegt nám þar sem engrar forkröfu er krafist, en námskeiðin falla undir og eru sett upp með Íþróttá- og viðburðastjórnun í huga.

Þróunarverkefnið “Endurbýgging austurbæjar?” gengur vel, en eins og nafnið bendir til felur verkefnið í sér að skoða hugmyndir um að endurbýggja austurbæinn eða þann hluta sem fór undir hraun í gosinu 1973. Haldnir hafa verið kynningarfundir hjá ÁTVR og Kvenféluginu Heimaey á Reykjavíkursvæðinu en í Vestmannaeyjum starfar áhugahópur um efnið og kynnir niðurstöður sínar þetta starfsárið á næstunni. Hugmyndin er að halda verkefninu lifandi og sækja um styrki til verkefnisins og tengja það sameiginlegri framtíðarsýn um varðveisingu gosminja og sögu í Vestmannaeyjum. Kostnaðaráætlun hefur verið gerð af Nýsköpunarstofu Vestmannaeyja og mun vera stuðst við hana við allar styrkumsóknir.

“Uppgangur í Eyjum 2005” er samstarfsverkefni nokkurra stofnana um gerð göngukorts fyrir Heimaey, en verkefnastjórn hefur verið í höndum forstöðumanns Vísku. Þegar hugmyndin kom upp leitaði Vískan eftir samstarfi nokkurra stofnana og starfsmanna þeirra við framkvæmd hennar. Verkefnið var í fyrra frumraun en tókst með ágætum, en nú ætlum við að gera betur og laga þau atriði sem betur máttu fara. Kortið er væntanlegt til útgáfu á allra næstu dögum, en styrkur fékkst til verksins bæði frá Sparisjóði Vestmannaeyja og Ferðamálaráði. Verkefnisstjórn verkefnisins mun færast yfir á kynningar- og markaðsfulltrúa Vestmannaeyja frá og með næsta starfsári.

## Fyrirlestrar og fræðslufundir

Vískan stóð fyrir opnum fyrirlestrum fyrir almenning á hvorri önn. Þar var á ferðinni annars vegar Endurbýgging austurbæjar þar sem Gunnhildur Hrólfsdóttir rithöfundur var á ferðinni. Hún kynnti einnig bók sína “Ránið” sem kom út fyrir jólin 2004 og tengist

Tyrkjaráninu 1627. Hins vegar var á ferðinni Ari Trausti Guðmundsson sem fræddi Eyjamenn um eldvirkni á Íslandi. Er það stefnan að Viska standi fyrir að minnsta kosti einum opnum fyrirlestri eða fræðslufundi á hverri önn fyrir almenning.

Fyrirtæki hafa leitað í auknum mæli eftir undirbúningi og samstarfi um "starfsdaga" í fyrirtækjum og stofnunum. Að vísu væri réttara að kalla þetta "fræðsludaga" en Viska gerir tilboð í undirbúning og framkvæmd slikra daga.

Viska tók að sér umboð fyrir Elliða Vignisson varðandi fyrirlestra á hans vegum og fer þar gott samstarf fram og er það dæmi um hvernig miðla má og koma á framfæri góðu fræðsluefní í gegnum Visku.

### **Markviss ráðgjöf**

Markviss ráðgjöf Visku aðstoðar fyrirtæki og stofnanir við að koma fræðslustarfsemi fyrirtækja og stofnana í þenn farveg sem atvinnurekendur og starfsmenn eru sáttir við. Markviss aðferðafræðin tekur mið af þörfum allra og leiðir tvímælalaust til markvissari vinnubragða og aukinnar ánægju meðal starfsmanna. Símenntunarmiðstöðvarnar á landsbyggðinni þ.m.t. Viska sinna svonefndri Markviss ráðgjöf en með slíkri ráðgjöf má greina þörf á sí- og endurmenntun hjá fyrirtækjum og stofnunum og gera sí- og endurmenntunaráætlanir. Þessari ráðgjöf fylgja fyrirtækin og stofnanirnar eftir ef til vill áfram í samráði við Visku fræðslu- og símenntunarmiðstöð sem um leið verður þeirra fræðslustjóri. Dæmi um slika vinnu má finna hjá öðrum símenntunarmiðstöðvum, en samstarf Samkaupa og Miðstöð símenntunar á Suðurnesjum er eitt þeirra verkefna sem vel hefur tekist til með. Vefsíða Markviss ráðgjafar er [www.markviss.com](http://www.markviss.com) en þar má finna frekari upplýsingar um aðferðina og verkefni sem unnin hafa verið viðs vegar um landið.

Samningur um Markviss ráðgjöf hjá símenntunarmiðstöðvum landsbyggðarinnar hefur aldrei verið formlega til, en er nú gerð hans á lokastigi og verður skrifað undir hann á allra næstu dögum. Aðilar Kvasis einir sinna Markviss ráðgjöf á Íslandi.

### **Stofnun heildarsamtaka um fullorðinsfræðslu á Íslandi**

Stofnuð voru nú í vor heildarsamtök fullorðinsfræðslaðila á Íslandi sem nefnd hafa verið "Leikn". Viska gerðist aðili að samtökunum ásamt um 20 öðrum fræðslaðilum, en Kvasir á þar two aðila í stjórn enda með um þriðjung stofnaðila innan sinna banda.

## **Viska fyrir alla – “ekki bara hugsa um það!”**

Þessi slagorð Víku símenntunar haustið 2005 “ekki bara hugsa um það!” segja meira en mörg orð. Nú þegar hefur fjöldinn allur af fólk lagt leið sína til Vísku inn af götunni til að fá ráðgjöf, setjast á námskeið eða jafnvel stunda fjarnám. Þetta fólk hefur þegar stigið stóra skrefið – að drífa sig af stað og eru “ekki bara að hugsa um það!” En þarna úti er fullt af fólk sem hefur sig ekki af stað. Það ýmist vinnur langan vinnudag og vill eiga frítímann út af fyrir sig, það hefur slæma reynslu af skólagöngu sinni, það hefur ekki tíma eða telur sig ekki hafa tíma, er alltaf á leiðinni og svona mætti lengi telja. Ýmsir aðilar eru tilbúnir að léttu undir þessu fólk með styrkjum til fræðslu og Vícka leitast auk þess við að hafa námsframboðið fjölbreytt til að það höfði til sem flestra. En það þarf meira að koma til. Samstarf við atvinnurekendur er eitt af því. Atvinnurekendur bera ákveðna ábyrgð á starfsfólki sínu hvað þetta málefni varðar og bera sömuleiðis ákveðnar skyldur þessu tengdu.

Námsframboð hefur aukist og nýjungar í námsframboði eru miklar. Einstaklingarnir sem þessu framboði er ætlað eru um allt land og Vestmannaeyjar er engin undantekning. Vícka Fræðslu- og símenntunarmiðstöð leitast við að miðla námsframboði til almennings allt frá óformlegu námi til háskólanáms. Þarfir atvinnulífsins eru ótvíræðar fyrir fræðslustarfsemi og þegar koma þarf til móts við þær skiptir miklu máli að fyrirtækin og stofnanirnar í Vestmannaeyjum séu í góðu samstarfi við Vísku.

Til að starfs- og endurmenntun verði markviss og skýr þarf að koma til greining á þörfinni og áætlanagerð í því sambandi hjá fyrirtækjunum. Og til að árangur náist þarf tilgangurinn að vera starfsmönnum augljós og markmiðin skýr. Þess vegna er oft besta lausnin að leita til starfsfólksins sjálfs eins og gert var við endurskoðun fiskvinnslunámskeiðanna sem nú hafa verið í endurvinnslu. Starfsfólkið sjálft hefur reynsluna og þekkinguna á sínu sviði og þess vegna var leitað til þeirra.

Framundan eru verkefni fyrir Vísku og samstarfsaðila að tengjast atvinnulífinu betur og virkja fleiri til samstarfs um fræðslu meðal almennings. Það hefur sýnt sig að þátttaka og framboð á fræðslu í atvinnulífinu skilar fyrirtækjunum ánægðara og hæfara starfsfólki tilbaka. Hvet ég því stofnanir og fyrirtæki í Vestmannaeyjabæ að styrkja mannað sinn og um leið að styrkja starfsemi Vísku.

Með þessum hvatningarorðum vil ég þakka fyrir mig á liðnum starfsárum hjá Vísku og óska nýjum forstöðumanni velfarnaðar í starfi.

**F.h. Víku Fræðslu- og símenntunarmiðstöðvar  
Bergþóra Þórhallsdóttir forstöðumaður**